
ХАЙРУЛЛО БОЗОРОВНИНГ ТАДБИРКОРЛАР ҚАБУЛИ УЗЛУКСИЗ 10 СОАТДАН ОРТИҚ ДАВОМ ЭТДИ

Бугун Фарғона шахридаги “Тадбиркорлар уйи”да вилоят ҳокими Хайрулло Бозоровнинг навбатдаги тадбиркорлик қабули бўлиб ўтди.

Эрталабдан бошланган қабул узлуксиз 10 соатдан зиёд давом этди ва 150 дан зиёд тадбиркорнинг мурожаати кўриб чиқилди. Вилоятда тадбиркорларнинг, фуқароларнинг давлат ҳокимияти органларига ишончи тобора ортиб бораётгани, сўнгги ойларда вилоят ҳокими қабулига келаётганлар сонининг муттасил ўсаётганида намоён бўлмоқда. Шу билан бирга, шаҳар ва туман ҳокимлари ўз ҳудудларида тадбиркорлар масалаларига ва мурожаатларига янада жиддий ёндашишлари лозимлигини кўрсатмоқда.

Қабулда иштирок этган тадбиркорлар вилоят раҳбарига банк кредити ва субсидия олишга кўмаклашиш, ишлаб чиқариш ва қишлоқ хўжалиги учун ер майдони ва бўш турган бино-иншоотлар ажратиб бериш, ишлаб чиқариш корхоналарида газ ва электр таъминотини яхшилаш, давлат-хусусий шериклик асосидаги лойиҳаларни амалга ошириш, маҳсулот реализациясига ёрдамлашиш, шунингдек солиқ тўлаш бўйича енгилликлар тақдим этиш, кадастр ва эгалик ҳуқуқи билан боғлиқ муаммоларни ҳал этиш ва бошқа кўплаб масалаларда мурожаат қилдилар. Шунингдек, маҳаллий ҳокимиятлар ва идоралар томонидан жойларда тадбиркорлар фаолиятларига бўлаётган тўсиқлар билан боғлиқ масалалар ҳам кўтарилди.

Муаммоларнинг кўпи қабул чоғида ҳал этилди. Ўрганиш талаб этиладиган масалалар бўйича вилоят ҳокимининг вакиллари тадбиркорлар билан бирга қабулдан тўғри жойларга чиқиб кетдилар. Ҳал этилиши муддат талаб этувчи мурожаатлар бўйича вилоят ҳокими тегишли мутасаддиларга кўрсатма ва топшириқлар берди.

Бизни ижтимоий тармоқларда кузатинг [Facebook](#),
2021-02-24 16:39:55